





1417



清容居士集

六





Inches 1 2 3 4 5 6 7 8

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



清容居士集卷第十五

開平第一集


甲寅

延祐改元五月三日分院十五日

始達開平得詩數篇錄示兒曹

居庸關

太行領羣山萬馬高下拜
平巒轉城隍隱隱南北界
危坡互交牙寒溜瀉泮泮
陰風玄虬湧巨石忽崩壞
周遭青松根下有古木
砦石皮散青銅云是舊戰
鎧天險不足憑歷劫有成
敗驅車上林杪出日浴光
恠



蕭蕭空巖秋天風迅行邁

雨中度南口

山寒絕禽鳥獨聞子規啼石壁飛雨驟衆
木搖淒淒瘦馬蹴亂石高下齧其蹄陟嶽
沮如深漸覺所歷低暝色起亭午土屋流
寒泥須臾過雷聲倏忽生晴電水清亦可
渡戒僕踰前溪

重午日宿南口小店

寒雨鳴石峽蕭蕭五月秋道逢采藥人不
識葵與榴氣清諧令節暑溽想南州涼颼

木末來動色思重裘猶持一卮酒慰彼相
纍愁

桑乾嶺

漠漠清都近天梯爾許長青帘矗山影烏
帽拂雲光行客穿珠曲居人綴蜜房端窮
萬里目那惜九迴腸

渡懷來沙磧

沙清圓石瘦千里聞風聲驅此駭赫車索
索莎鷄鳴遠山列翠席近坡環碧城高下
各有險轍迹那由平驚免導我前歷錄為

之驚天低雲搖蕩土曠塵縱橫謬膺翰墨
選遠行有期程迴頭望南坂初月隨風生

草地

帶水殘沙似暗潮平坡軟草綠迢迢不須
回首更南望下馬同兒摘地椒

龍門

瀚海雙龍鐵鱗甲捲壑擎雲躡翼闕千泉
百道湊東南急雨翻空迸晴雪古言神禹
功窳多導山鑿石疏九河幽都之地不復
顧迺使雙龍下地成盤渦陰風何颼颼磅

礪太古秋崩崖落車礮恠木森戈矛碎沙
晴日鋪金瑟云是昔日當關挽勁之僕姑
寒泉組練結九曲亭午赫日光模糊車聲
何鱗鱗昨宵急水迷無津垂堂之言猶在
耳游子商人行不已子規徹天呼我歸翠
華北幸那得避龍門之石高不磨泚筆書
我龍門歌

彈琴峽

在居庸

寒泉飛玉峽誰彈使成聲下有戰士骨嗚
咽水中鳴絲石本異調摩戛生虧成鑿跡

匪神禹佳兵構秦羸駐馬為聽之逝者何
不平靈牝納新雨急促濁復清重華初省
方百神靜相迎為作薰風弦散彼巖下情

雲州

天闊雲中郡剛風起沈寥氈房聯澗曲土
屋覆山榭撞布朝朝市通薪戶戶燒遙看
塵起處深羨霍嫫媼

次韻虞伯生題祝丹陽道士摹九

歌圖

玉眸精佇朝玉皇五采萬物迎初陽神鈞

空洞光芒茫瑤席合奏樂未央沈幾絃綸
白為章膚寸帝青下填阮朝挾朱鳥招八
方旋轉風輪盪金剛君山之峰隄可望玉
女鼓瑟哀不傷世職玄籍元運昌靈壽給
扶頰色蒼賜齡金篋難度量仲氏之道誰
為長深根抱一真有常下憫濁世生復正
浴精昧谷暎扶桑察陽昭德森九苜亘劫
永寶天地光安流舒舒復湯湯儼思白璧
謝汝將歷險有戒毋垂堂乘狸從豹何陸
梁菰蒲拒殺弦管張積變不化游益荒屈

子調苦心忠良歌罷雲過投靈湘簫巫鼓
胥紛莫詳嚴嚴祝冊遺鉛黃握管用九神
歸藏出入森衛視錦囊

伏日書懷二首

伏日急雨來端坐披重裘中天異寒暑茲
維帝王州碧草記初夏堅冰在餘溝野曠
無留禽積潦不復收飛雲屢晴陰蒼莽天
宇秋營營壁間蠅就暖旬日謀玄冥自成
歲高下各有求悵彼南飛鴈素心愧難酬
晨起萬竈烟墨雲何輪困念昔種松者用

志良苦辛寒沙草漫漫萬騎來無津樹之
侶雲柵積雪迷秋春大車棟復楹小車樞
與薪空餘千歲脂成此官路塵我衣素脩
繫輓汗不敢嗔俛焉拾餘煤作書記其曰
題李士弘學士畫明復齋風竹
虛聲出素壁泠泠天地秋矧此三伏涼居
然索重裘盪摩神光旋憂擊玄露浮浩蕩
白玉京頃刻瀟湘洲昂昂負嶠僊筆底寒
颼颼高齋齋道氣深根澹無求

慈雲堂

周南翁

萬竹鳳岡下
虛堂聳翠微
隔林聽返嘯
前嶺望孤飛
山立斑斕服
牛眠錦繡圍
諸孫有遺範
致樂報春暉

南翁近築致樂堂奉母

送濯伯玉之官雲南

蕩蕩哀牢國
耕桑樓不毛
皮船乘驛穩
銅鼓報衙高
事簡歸王化
民淳汰吏曹
端知清淨理
山水縱遊遨

次韻玉堂畫壁

至人悟窮達
歛迹寓靡畝
良苗貴深耘
土戒蒿蕒藹
霽霽新陽浮
高下接紫宙
跨犢

東南行問事
一俛首
新雨瀉溝塍
交流媚川后
輟耕非素心
帝命資左右
相彼前山雲
條速復還岫
卷舒樂槃澗
署壁寫其舊
清秋暎空谷
風雨百神守
夙昔經濟姿
志不在杯酒
要使風俗溥
斯民樂仁壽
秋谷耕雲明月入水底
摩盪空江雪
昂昂垂綸翁
在雪不在月
悟彼玄化理
不寐坐明發
我舟非無檠
我車詎無軌
迂儒守繩樞
世胄貫華閥
顛以千尺竿
裁為濟川筏

寒江釣雪

再次韻

粵商有阿衡肥遯樂畎畝深畊力其勤嘉
穀寧有莠時來起立園勲業冠宇宙持此
金石心黽勉佐元首維敬在一德維訓守
先后高風邈難追白雲在前岫堂堂匡濟
功匪以風昔舊弊彼執御人先道謹為右
精忠百王避正色九闕守我昔夢見之再
拜酌卮酒空谷秋思深圖之奉千壽
維昔師尚父垂老鬚眉雪突兀江海姿韜
精忘歲月坐石投其竿秘籥時一發載車
輿之歸在德不在軌念昔經濟人事定始

功闕寒江眇風濤乘桴可如後

上都客舍士弘為作風竹

門巷泥深笑獨清以君蕭灑未忘情無端
昨夜風花急却送秋聲作雨聲

金主畫益浩然騎驢圖

生前明主已遭嗔身後君王為寫真家國
總緣詩句廢灞陵猶勝蔡州塵

木葉山前雪似銀軟裘難作自由身想應
晚歲朝陵後故寫騎驢處士真

北關明言不上書蹇驢何自入西都開元

天子元無分留與他生作畫圖

李陵臺

矢盡券空計未踈囊封朝奏侶憐渠漢家
天子春秋責從此降臣直筆書

雪衮寒沙風衮來眼穿猶上望鄉臺隴西
可是無迴鴈不寄平安一字來

上都楊萬婦

吹徹玉簪差孤鸞天外飛
直藏身後劍篋寶嫁時衣
壽樂厖眉聳心清鶴骨肥
諸郎新玉立孝謹報春暉

開平第二集 已未

登侯臺

蜿蜒西龍岡綠草搖晴波
旁有雙玉井石角增差我
明良佐神運目力窮坡陀
層垣睥睨雄寶構通義娥
昂昂鐵竿聳飛鳥光盪摩
土屋粘窰房文氈圍錦窠
緬思皇猷遠默止松林
戈匪以清暑游跋履勞鳴珂
陰森晚色晦寒沙聚群駝
悲茹月初上戴斗瞻天河

次韻伯宗同行至上都

游塵捲飛蓬積水翻驚波羣山擁雙鬪勇
勢凌岷峨藉草各小憩側身復登陀纖峰
脩眉聳佇立愁湘娥仰視北斗光燁燁疑
肩摩田父指我言昔日搜鷗窠吾皇罷畢
弋射生父投戈二客何舒遲直可鳴朝珂
銀鬕傳綠蟻翠釜登紫駝出處愧我異愛
君筆懸河

再次韻荅李彥方應奉

良會難具陳歲月流頽波念昔邂逅初黑
髮雲冠我羣公檀碑板雄文記頭陀于時

接英武奉身如素娥粲粲白玉署墨沼爭
漸摩所思筆成塚不計印積窠君時皎冰
雪正色羞倒戈習隱吏金馬弔古師銅駝
瞬息已廿載愧彼桑乾河

伯宗再次韻復叙舊

玉署日倒影綺窓水迴波堂前雙琪樹暑
清綠雲栽君時坐其下涼漪起陂陁悲商
激湘纍急羽凌韓娥執簡諒且直惜日勤
編摩盛世昭休明卑枝鳥爭窠掀髯紀其
瑞刻佞侔鉛戈占風念靈烏聽水悲老駝

倚仰各努力解珮投于河

伯宗遊華嚴寺次韻二首

平蕪寒磧際突兀梵宮尊白石開金地青
蓮擁紺園城低千嶂擁塔靜一鈴喧夙昔
莊嚴果無言急掩軒

欲問生公法年深不上堂
斷雲成密樹深柳當踈篁
十地三乘要諸天百和香
玄機吾素解何日勘禪房

上京雜詠

雲護中街日風開北戶天
千溝凝白雪萬

竈起青煙午溽曾持扇朝寒却衣綿
松林空有界剪伐不知年

土屋層層綠沙坡簇簇黃馬鳴知電急
鴈過識天涼墨菊清秋色金蓮細雨香
內園通闕苑千樹塵羣芳

天闌虛無裏城低納遠山白榆迷
鴈塞青草補龍灣市簇家家近官清
日日間重游深問俗漸恨鬢毛斑

舊歲寒冬惡霏霏土雨迷門荒
懸馬革草淨絕牛蹄列帳烟光慘
空營月色低縣官

捐粟帛歲晚得扶携

上國饒為客天涼眼倍青白魚沙際網黃

鼠草間翎為藥圍紅斗摩姑綴玉釘漸知

塵骨換振佩接青冥

天錫清涼國晴霞綻雪峰月低疑墮兔雲

近得攀龍寶鑑領冰撤筠籠賜果封白頭

貂帽客為我話深冬

駝鼓村村應傳更趣進程草肥涼露白樹

薄曉風清帳殿橫金屋氈房簇錦城屬車

流水度細點侍臣名

伏日瓊林宴名王總內朝帽尖花壓翠衣

角錦團貂炙熟牛酥羌醅深馬乳澆柘枝

旋舞急宛轉稱纖腰

市狹難馳馬泥深易沒車凍蠅爭日聚新

燕掠風斜晚汲喧沙井晨炊斷木槎閣閣

通茗酪俗簡未全奢

長夏崇真館踈簾洒靜便支頤推萬古止

息契重玄月窟窓如雪天瓢酒似泉主人

憐老客下榻不曾懸

帝京樂再次韻

帝京環陸海平野接冰天龍吐青林火狼
沉紫塞烟風花秋黯淡雲葉雨連綿昔日
君臣意深符卜洛年
寶閣凌空涌金壺暎日黃梵音通朔漠法
曲廣伊涼御榻惟絳帙宮爐獨篆香吾皇
清淨德銀管願垂芳

高下雲中樹踈明雪外山坡凹茅結屋嶺
轉水回灣禁路分馳道沙塲當內閑通明
風露冷時許侍清班

晨起儀臺立烟青望眼迷草低鷹側目車

逼馬迴蹄風勁弓弦直泥融柱礎低蚊蠅
深斂跡塵尾不須携

紫極中天正森森接帝青鷹歸傳帛信雉
落舞紅翎寶所金千頃朱門帶萬釘瀛洲
清淺處高坐納空冥

昔年曾扈蹕宿直對鰲峰錦掣蘭若翠波
翻墨沼龍起居青簡注除拜紫泥封共說
先皇日千官總住冬

土驛高低置蒼茫七日程馬通分熠燿牛
酪注深清殘雪明珠闌繁星列火城前山

黃白處草藥不知名

千蝶蜂腰凸羣山馬首朝沙場調俊鶻草
窟射豐貂鬧舞花頻簇狂歌酒恣澆今年
春事減土舍雪齋腰

箭落驚遊騎鈴傳督運車土風殊楚越驛
道做褒斜細雨三更枕清秋八月槎夜聽
繁管急漸習五陵奢

長齋孤館靜捧腹睡便便酒斷眸凝碧塵
深鬢返玄凍蜂粘暖草乳燕啄冰泉過翼
時頻數鄉心日夜懸

李陵臺次韻李彥方應奉

前坡聳頽基云是望鄉臺往事已歷歷亂
石何鬼鬼想此二子別袂結不能開河梁
白日速翔風袞沙堆漠法重失律輕生表
奇才一跌不得返歛歎壯心摧形影胡越
分骨肉參商乖萬事已瓦解誰能寫余哀
昂昂司馬生義色興壯懷子卿固偉節屬
國何低徊褒功實譎淺議刑良刻哉坐令
衛律輩歲望邊城來

次韻李齊鄉呈閑閑嗣師

清都逼紫微，瑤光流玉壇。陰厓太古雪，伏
日生午寒。登懷集遐思，黑髮竹皮冠。玄關
轉輕雷，銀潢激層瀾。取彼白石詞，寄呂朱
絲彈。一彈去日短，再彈行路難。兩曜疾飛
隼，歸雲生樹端。遠游感夙昔，努力慎風餐。

西京李齊卿讀所贈吳公詩愛之
遂次其韻

溫溫紫玉姿，陽休升觚壇。維時夜氣肅，璇
璣動芒寒。辟公閱多士，謂宜錫玄冠。環水
會文海，俛爾揚清瀾。東南有高樓，繁吹和

急彈。我獨念子意，希聲世知難。遺情寄寥
廓，冥鴈渺雲端。去住靡所止，精思勿忘餐。

伏日

伏日陰陰九月天，雲邊桂露十分鮮。侍臣
已入清涼境，不到凌虛未是僊。
偷桃曷倩語言尖，伏日歸來割肉廉。那似
蓬萊風露冷，重裘端坐絕趨炎。

松林行

陰陰松林八百里，昔日相傳為界址。玄雲
捲甲天馬來，雪兔霜狐先委靡。山前犬牙

十六州石郎屈膝輕相投淺沙圓石古轍
迹草青草枯無盡愁 拂天鎮南北萬
井燃松煙侶墨大車 龍角全小車輪
困束矛戟松花落子 抽不如昔日當
道稠採薪之人不辭 出郭十里爭相酬
君不聞雪山之西銅柱南淚同鴨綠成東
漸金山橐駝爭負寶翦取平林作馳道

採摩姑

官山摩姑天下無迓石菌蠹攢寶珠阿香
執御雲中驅天瓢急注爭葩萼玉京高門

散金鋪剩欲點綴完無膚萬釘寶帶山澤
癯圓如佛螺綴頭顱累如柜黍連二稔羶
根未許相模糊剡泉石鼎鳴笙竽急投小
烹養甘腴上池三咽生醍醐五芝高著神
農書吾欲比之議匪迂天花代北嚴貢輸
永言定論兄弟俱

尚尊賜張上卿薛玄卿賦詩次韻

龜眸鶴骨煉純陽言合靈著行有常黼坐
近瞻堯日月屬車遠度漠封疆英雲玉佩
開僊府湛露瓊卮出尚方可恠相如多病

渴顛分金掌接恩光

再次韻

居庸曉次日初陽
肅肅龍旂出奉常
獸殿頻趨恩有秩
鵲爐深祝壽無疆
冰壺酒滑通真一
雲閣香清接上方
靜夜屢陪談麈樂
燈搖寒燼目搖光

復成二篇

羞逐羣芳度艷陽
丰神弘景筆元常
氣雄轉旆攻秦壁
色正登壇復魯疆
易玩天皇遊太古
書看王會補殊方
平生物論深涇

渭寶鑑懸空皆透光

孤鳳清聲出嶧陽
冲天采羽越尋常
清心侍帝真醫國
束髮從師屢出疆
明月乘鸞通碧落
空江瘞鶴憶朱方
詩囊承次傾珠琲
一一清圓敵夜光

西京任庭瑞樂善齋

大鈞妙無心變化
各有職元陽
執樞紐羣動遂
生息達人洞顯幽
語默絕窺測
尸居碧窓曉觀萬
養真寂春葩
陽林秀衆采紛
蕤蕤上有黃鸝
鳴下有游鹿跡
嗒然遺世

情至道在几席芝眉紫綸巾舉酒起玉色
桐孫護清風竹女引白石素心絕榮侈天
爵實有得敦庵古遺民過里車已式願言
表其間庶以昭帝則

白雲閑齋

武當靈峰通廓寨下有白雲護山腰朝入
寢扉結翠被暮宿丹井騰金瓢神君握機
不盈寸頃刻倒影旌幢飄道人夙昔慣所
見更上岩窈抉斗杓

送金華王生

不到金華洞于今二紀餘偶逢騎鶴客為
覓牧羊書芸笈秋消蠹萱堂暮饌魚江湖
易衰感輒且問樵漁

建昌李生城南別墅

雲樹黑微茫依稀見竹房山空遼鶴化市
近海鷗藏逸興王官谷幽禪華子岡展圖
塵眼眯剩欲濯滄浪

開平第三集 辛酉

至治元年二月庚戌至京城壬子入禮闈
考進士三月甲戌朔入集賢院供職四月

甲子扈

蹕開平與東平王繼學待制陳景仁都事
同行不任鞍馬八日始達留開平一百有
五日繼學同邸八月甲寅還大都得詩凡
六十二首道塗良勞心思彫落姑錄以記
出處耳是歲八月來桐序

次韻繼學途中竹枝詞

居庸夾山僧屋多鑿石化作金彌陀但看
行車度流水不見舉拂談懸河
紅袍旋風漾金泥車前把酒長跪齊忽聽

琵琶相思曲迎郎北來背面啼

氈房錦幄花簇勻酥凝疊餅生玉塵晚傳
宮壺檀板急酒轉一巡先吐茵

土屋苦草成磨麻前床翁媪後小姑我郎
南來得小婦蘆笛聲聲吹鷓鴣

雲州山如五朶雲老松積鐵霾青春遂令
古雪不肯化萬杵千爐煎真銀

山後天寒不識花家家高曬芍藥芽南客
初來未諳俗下馬入門猶索茶

寒風捲蓬沙轉黃駐馬問路路轉長紅衣

簇簇入新市，指點墟頭稱上方。
翔雲蕩蕩愁燭籠，土房擁被睡高春，披衣
上馬過前驛，清霜急雪時相逢。
瀛洲往歲侍宸居，一度還家一度踈，近行
開平十二驛，眼望南鴈傳鄉書。
閭闔雲低接紫宮，水精涼殿起薰風，侍臣
一曲無懷操，能使八方歌會同。

四月二十六日曉霜

遠坡殘月露零零，曉壓榭花玉作屏，他年
若向南州說，疑是鄒生逞恠靈。

戲題樺皮

褐裳新脫玉層層，紅葉朱蕉謝不能，擬製
小冠韜短髮，意行雲水一枝藤。

望雲州

望雲州裏松花白，金閣山前木葉丹，駐馬
搖鞭游不到，還家寫作畫圖看。
次韻蔭玄弼南還題驛二首

思君月落見參旗，碧眼微醺倍陸離，北上
開平復南去，却如返棹剡溪時。
碧窓雲冷思萋萋，曉榻黃庭眼未迷，宜向

山陰道中住聽風聽雨聽猿啼

次韻荅陳明復

漢殿高懸五丈旗羽人朝奏佩江離綠章
已徹蒲團坐正是金門月上時
碧雲深處草萋萋誰道桃源路已迷昨夜
紫霄峰頂坐天鷄子夜獨先啼

再次韻

行殿風高十二旗碧雲深處紫流離相如
獻賦誰能繼有客瀛洲獨立時
烟籠沙磧凍雲萋錦簇榭花五色迷不是

朝天騎馬倦寒雞自怯曉鐘啼

次韻李伯宗學士途中述懷

山魏磧瘦馬逶遲盡日雲陰變四時曉度
桑乾雪新作倚松翁坐闕題詩
李陵臺下日遲遲惆悵河梁執別時漢武
不知歌四牡千年競作五言詩

縈紆馳道屬車遲白髮微臣際盛時侍獵
能追上林賦登臺額繼柏梁詩

紫禁天低夏日遲深紅芍藥勝春時共仰
雲孫李學士樂府新填更進詩

內宴初筵舞尉遲榴花未吐艾花時宮詞
久矣無王逮把筆爭傳應制詩
鰲峰土冷菊花遲滴滴金明八月時留取
東平老學士烹羊分韻酒催詩
端午謝吳開闕惠酒
客裏端陽景物殊侍晨分釀出偏壺松間
尚積千年雪澗底難尋九節蒲霏玉論陳
醫國艾研朱手寫辟兵符侍臣陡覺蓬萊
近簇簇宮花徧藥珠

榆林

白榆天上生北塞傳真種漢皇究邊略盛
秋此為重

神武開帝京赤縣官曹擁井邑生聚繁
折戟出畊壟考昔所種榆禾黍日莘莘繁
絃雜伎部一一承天寵盛衰諒有時前山
碧雲涌

龍虎臺

羣山朝宸居層臺納靈秀百泉暗東西千

嶂明左右

沙磧水多伏流

先皇雄略深省方歲巡狩翠華懸中天問

俗首耕耨沉沉貌貅壘濯濯鷹犬數前行
節駢鼓執御各在手侍臣仰天威長跪四
方奏徃聞父老言羅拜上萬壽山桃與黍
酒啓齒時一嗅乘雲去無蹤過者必稽首
登坡望儲胥紫氣徹牛斗

居庸關

扈蹕朝上京嚴裝戒脩速首夏天宇肅寒
雲慘不舒足弱跨鞍窘喋喋詢前途縈紆
入南口松籟吹笙竽在昔恃險隘當關守
千夫一朝天馬來巖岬成康衢大統叶天

運神武開皇謨信矣經啓功幸超神禹圖

桑乾嶺

茲山西北來旋轉十二雷昔人望鄉處生
別何崔嵬我來坐絕頂雲漠森昭回出日
騰金鉦積露流銀臺長空不受暑雪華散
皚皚甕車引繩過屈曲腸九迴微踪愧三
至南望心低徊長風馬耳迅何當賦歸來

李老谷

層巒積明秀深壑采蔥圍千松受新雨一
一流珠璣少憩倚崖穴清湍激林霏睡醒

日亭午隔溪啼秭歸昔有山水癖毘勉登
王畿欣此澗谷幽亭亭白雲飛素心儻自
踰出處諒無違

龍門

蒼厓出雙闕羣山頽首尊陰風起晴雷摩
盪晝日昏錢峽擁偪仄百川為之奔疑下
有龍湫逞恠躡天門滄兮出膚寸頃刻黃
流渾側徑出石壁巨浸存遺痕緬昔設天
險事久難窮論征衣艱輕雨神君儼雲根

獨石

亂石各參布茲山以獨稱磅礴太素初星
隕遺其形磊落絕衆附昂昂耿晶熒此土
積陰匝草木無光精疑有華表人宴坐陳
廢興前車何繩繩去馬何騰騰問之了不
應油然白雲升

曉發

蓐食慎王事曉星當前戶跨馬官道行細
草泣寒露亂石鳴琮琤啼鳥守荒樹行行
未十里問堠坐當路年衰胫力拘望遠彌
窘步天風捲飛蓬白日互吞吐深知非世

才歸畊誓先墓

合門嶺

寒沙高岡聚積溜開土明地媪神功竒茲
馬奉帝尊先皇歲巡幸屬車爛華軒令嚴
植前茅高下相攀援魚貫別後殿蟻行定
前屯飛丸落千尺瞥裂驚危棘履險深自
持人情戒居安寒雲蔽出日去去踰前村

赤城

茲山浴曉日墻壁流丹砂昔聞天台峰云
受珠宮霞地氣有南北變化無殊差埴墳

登禹書頽壤勞民嗟感彼山上松黑鏤留
槎牙形色有正性深入徒增夸至今溫泉
下金鼎烹靈芽

灤河

近山馬昂鬣遠山鳳騰羽百谷奔亂流屈
曲長蛇赴維時雨新過急溜槽床注居人
匯為井千屨集沙步寒光澄玉膏甘冽過
牛乳茲泉成白溝巨浸合沮如蓮芡充餽
糧魚蝦足租賦塞翁話疇昔陋彼成險固
往事不復論云云日東去

次韻虞伯生墨竹畫壁

墨雲參差平地湧碧窓浙瀝寒風生截為
崆峒白玉管蟄龍夜嘯幽凰鳴六月雪花
飄上京崢嶸直與星斗平出門忽作江海
興推枕先聞金石聲

楊花曲

上都楊柳瘦且堅葉葉不展圓如錢年年
飛花作端午遠客乍見心茫然上都飄雪
不知數此花與雪相旋舞黃鸝聲絕孤鷹
鳴萬騎千車互來去手攀短條心欲絕宛

轉成毬恨初結寒風飛蓬捲車輪點點相
亞隨明滅南隣蕩子衣夜單曉望出日如
黃綿辛勤掇拾不敢棄顛刮龜毛同作氈

伯宗學士悉和韻作唐律叙謝

我冠踈髮老詞臣筆底花飛點點春千里
關山勞夢寐百年泉石換精神燕城賦罷
生新恨夔府詩成嘆絕塵更有御園紅芍
藥生香一曲柘枝新

四月廿一日與繼學同出健德門
而伯庸以是日入都城作詩寄之

二子出北門一客南門來燕鴻兩相避
首氣崔嵬客有百和香我有蒲萄杯把杯
客不見我心為之灰願留百和香以待二
子回

乞酒潘景梁學士

長夏蕭齋學晝眠鼈峰深處酒如泉
山歌從此通來往準擬宮袍不上船

次韻繼學

急電散晴雪仲夏天氣清閉戶北窓坐
稍新月生客至設碁局言忘遺世情
盡日

無王事白雲與簷平

重午聯句

夏峰表竒雲天京俛端陽寒嚴宮羅輕瑞
登水鏡光烏輪麗北陸龍舟競南湘蠅
逞王國蜥蜴巖帝房事訛汙習陋風烈
壇壤剛推貂繫綵絲飛鞭賭瓊漿帶重
公莫舞簪飄艾如張鷹分列瑶席魚貫
登紫廊白乳謝角黍青蒲截鷲肪重離
天門正習坎地軸方靈符瑩丹砂羽箭
穿白楊懸闌葵日傾懷家麥秋涼羹鼎
傳太官懸席步

天罡鷄禁百壬斂螽動九子昌截障翠屏
偃浩漾白海長扇藏婕妤泣標箏飛廉忙
紅苞當階藥碧縷雕盤香宮花金抹額廐
仗玉鏤錫鈴催寶貼進拍奏霓裳揚舉鼎
凝脂膏戴車實饒鯉蒲萄漱滷馮琵琶宛
轉傷蟾蜍未乖驕驪裘難藏伏日奩果
貢薰風鑑冰洋瀛洲畏獨往玉署思同翔

裘馬曲

綵絲絡頭百寶裘猩血入纓火齊光錫鈴
交驅八風轉東西夾翼雙龍岡伏日翠裘

不知重珠帽齊肩顫金鳳絳闌恣隴旭日
初逐電迴颺斗光動寶刀羽箭鳴玲瓏鴈
翅却立朝重瞳沈沈樓殿雲五色法曲初
奏歌薰風酏官庭前列千斛萬壑蒲萄凝
紫玉駝峯熊掌翠釜珎碧實冰監行陸續
須吏玉卮黃帕覆寶訓傳宣爭頰首黑河
夜渡辛苦多畫戟雕闕揔勳舊龍媒嘶風
日將暮宛轉琵琶前起舞鳴鞭靜蹕宮門
閉長跪齊聲呼萬歲

嘉禾圖

土膏滌陽春連畛垂黃雲仁聲九域被地
瑞昭人文穰穰大同郡嘉穗表奇芳擢莖
秀雙岐駢首擔不分得聯珠琲光苞簇綬
受紋老農善視之神化非耕耘維皇調玉
燭歲功合氤氲帝力畎畝深擊壤歌放勛
圖成上金匱寶軸森香芸侍臣丹筆工秉
心述前聞願旅天子命補亡追典墳

蘇武牧羊抱雛圖

寒氈齧盡節旄稀野曠風低短草肥忽見
嬋娟新月上却疑身似夢中歸

李仲賓墨竹圖

筆底玄雲冰雪姿瀛洲玉佩暎參差如何
昔日閭中今晚歲羞稱老畫師

開元恩長老以詩送北禪講師游
上京末章見及見余于灤陽次韻
乘槎親見玉繩流底用蒲萄與海榴紫塞
接天星戴斗白雲垂地水浮漚蠅頭可但
窮三藏麈尾懸知又九州問訊開元老禪
伯詩瓢今向太湖浮

王澹游墨竹

陰陰密葉鐵鈎鎖
淡淡疎柯水玉簪
客向流離渾老盡
臨風題筆望江南

次韻繼學竹枝宛轉詞

長年久客學吳儂
應對嫦娥認妾容
聞道秋來三十日
雪花飄處似深冬
聞郎腰瘦寄當歸
望盡天邊破鏡飛
昨夜燈花圓似粟
倚門不肯送郎衣
宮羅疊雪撚金龍
郎去香奩手自封
還家貂裘綿百結
教妾今年兩度縫
年年河鼓度天津
郎在灤陽見得真
今夕

定知郎到日桂華浮
魄滿香輪

約八月十五日抵京

陳景仁都事以詩惠酒次韻

閉門擁膝絕知聞
壞壁行蝸古篆文
誰遣白衣傳剝啄
新詩如雪酒如雲
短髮藤冠似晉賢
瀛洲獨坐思如泉
明知白眼輕餘子
客至題詩視屋椽

贈翰林何生

殘月疎星送曉鐘
伊吾聲徹炯雙瞳
盛年事業須黃卷
盡日交游謝碧筩
案上蟾蜍承夜露
門前叱犢立秋風
君家居士多陰

德佇看雞翹列殿中

嗣天師墨戲四絕

橫塘野色深聳身對秋水守獨匪自夸感

彼蜻蛉子

枯蓮孤鶩

守雌氣之母見一道之宗配合貴有得丹

炎結芙蓉

枯蓮鶩鶩

二禽詎無知秋聲起天外蘆枝為我旌蓮

葉為我蓋

蘆荷水禽

萬籟日惻惻水花澹無蹤孤鴻招不來泛

泛以自容

蘆荷孤鳧

果老圖

御氣如嬰兒變化能成形再過趙州橋滅
跡絕性靈

清容居士集卷第十五

清容居士集卷第十六

開平第四集

壬戌

至治二年三月甲戌改除翰林直學士四月乙丑出健德門買小車卧行八日至開平舍于崇真宮有白道士免扈從宮中聞無人聲

車駕五月中旬始至書詔簡絕僅為祝文


十三道

已制

悲愉感發一寓於詩而同院

亦寡倡和率意為題得一百篇閏五月

上幸五臺山以實錄未畢趣史院官屬咸



Faint bleed-through text from the reverse side of the page, including characters like '清容居士集卷第十六' and '開平第四集'.

還京是月丁巳發癸亥還寓舍五月灤陽
大寒閏月道中大暑觀是詩者亦足知夫
馳驅之為勞隱逸之為可慕也六月丁卯
朔梅叙

端午日繇車中抵開平客中三度
端陽愴然有懷

居庸昔日逢端午子規聲聲勸歸去舊歲
灤陽萬壽宮九節菖蒲泛瓊醕今年車中
飽掀歎盲風北來雨如注沙坡馬鬣高下
迎土屋魚鱗先後附舊家松篁百尋碧簷

葡萄花前石榴樹停車悅首不得語鄰牆簫
聲雜鼙鼓勞生得意同蝸牛奮臂却行等
蠅席

崇真宮闕無一人經宗師丹房惟
蒲苗楊柳感舊有作

雙斛青蒲苗中庭綠楊枝門鎖碧窓寂徘徊
迴心不怡辛勤四十載逢辰構崇基寒日
淡無華朔風助之悲想此鸞鶴侶長嘯悟
成虧往昔玉局翁言罷白雲隨懷賢感夙
昔悼念成涕洟夜夢忽邂逅掀髯歌紫芝

滄容居士集卷之六
間間真人未至

崇真觀裏獨徘徊
門鎖蛛絲燕子猜
玄度來遲愁欲絕
為憑白鶴寄書催

舊歲端陽與王吏部同客灤陽因
成七言奉寄

舊年同飲端陽酒
擊鉢聯詩日未斜
我戴夫須重出塞
君飄淅躩獨留家
雪花帶雨催前馬
草色連空趁後車
萬里功名頭竟白
張騫何事苦乘槎

寓舍玄卿舊住今歸龍虎山書壁

言懷

明珩出海見奇姿
價壓連城賈客知
往歲曾為大鵬賦
今秋且作小山詞
黑頭好景傳杯樂
白眼長年按劍疑
君去我來同此榻
鴈回何處寫相思

五月八日雨霰

黑雲轉飛蓋
晴空落珠丸
急響連疎密
馳踪杳無端
仰視烏輪光
繫繫不可干
陰晴界南北
咫尺分寒暄
鮫人有暗淡
乘陽湧冰瀾
又疑天女下
百琲隨輕紈
采之不滿

把瞬息何彌湯東墻古楊枝含思碧雲寒
留取宛轉花伏日為君看

開平昔賢有詩片雲三尺雪一日
四時天曲盡其景遂用其語為十

詩

茫茫廣莫區屈曲層城建昔云水雲陂伐
木嚴築鍵寒沙雜軟草其下有冰片雙龍
赴魏闕雲氣時隱見魏我中天居百里見
行殿

唐皇極睿筭憂邊罷從軍種松八百里擘

畫疆理分立象有定數後王策奇勳千車
昂頭來萬竈生墨雲天險尚莫恃人謀安
之云

曉日出東門寒光靜相涵黑雲何方來玉
妃為之驟頃刻變昏晝陰晴常日三宸居
逼象緯熒煌斗司南世儒窘六合鄒子成
虛談

羲和當中街重裘慘顏色詢彼住冬人封
戶雪踰尺松煙暗踈箔羅坐圍文席南鄰
時相通北門悅未識冰天與火井受地各

有職

近山如雕鞍遠山如削鐵涓涓落黃流嗚
咽恨未雪坡陀下前坂颯爽萬境滅馬嘶
不肯行沙寒草如茁亂廬峙前岡一一望

初月

鴛鴦帖雲飛下懼鷹眼疾空墟無鴉棲壞
穴見鼠出楊枝尚斂色吐絮朝伏日羗巴
雜蠻獠異服狀非一風土諒不同刪述在
史筆

煌煌千賈區奇貨耀出日方言互欺詆粉

澤變初質開張通茗酪談笑合膠漆憶昔
關市寬崇墉積如銍梯航際窮髮均輸乃
踈術

城南水沮如飲之不盈七遠汲沙水甘客
云汝縱恣客竟遭河魚投以百金劑筆瓢
乃真空飾情果為累狙公解朝暮不復計
三四

亭亭芍藥枝朱明勝春時金蓮與墨菊兄
弟相等推陽艷深摧藏後秀真竒姿盛時
匪自棄願與松柏期有客同爾心臨風結

長思

皎皎三伏日沈沈九秋天雷鳴過床下月
出在樹顛手持五采筆直侍虛皇前大以
書龜圖小以傳瑤編綸言廣聖澤載歌千
萬年

南望

急霰輕雷五月天
觥船手把趣裝綿
燕山南望十三驛
紅杏枝頭別有天

天鷲曲

天鵝頸瘦身重肥
夜宿官蕩羣成圍
蘆根

唼唼水蒲滑翅足
豎曳難輕飛
參差旋地數百尺
宛轉培風借
雙翻翻身入雲高
帖天下陋蓬蒿去
無跡五坊手擎海
東青側眼光透瑤
臺層解條脫帽窮
碧落以掌疾擗東
西傾離披交旋百
尋袞蒼鷹助擊隨
勢遠初如風輪舞
長竿末若銀毬下
平坂蓬頭喘息來
獻官天顏一笑催
傳餐不如家雞柵
中生死守免使羽
林春秋水邊走

李老峪山水深類

先公墓田左

右悠然白雲之思

積翠發層巒恍然家山圖陰實水屈曲古
樹雲扶踈是時月新出歸鴈飛躊躇疑我
久離鄉問我今何如云昔所種松靈籟吹
笙竽捻角守庭訓六籍師鴻儒幸以鉛槧
勤三入承明廬風景果有侶舉目諒不殊
信羨非我土誓言敢終渝

偶成

午雷嬰兒聲晚月大士面頃刻備四時陰
晴足千變空齋齷重裘塵壁委團扇昔為
居養移今愧筋骸倦

鼇峰石

劫風吹沫孕玲瓏度海鞭霆駕六龍聲合
八音驚俗耳重均九鼎動天空庭露冷
珠璣綻阿閣雲開錦繡封匝匝金蓮隨地
擁侶催夜直佩瓊瑤

石下皆金蓮花

子規詞三首

不如歸去君家南山松萬樹我欲送君歸
憐汝歲上灤陽路

去不如歸江南春深筍蕨肥筍蕨肥子苦
飢見子手持一片冰下馬坐看白雲飛

歸去不如我是蜀王魄化聲呱呱君不歸
請看錢塘雪浪千尺帆踏歌起舞去復還

盧彥威與余同為待制下世已八
年觀行院題名舊跡感愴寫情

長髯黑髮佩鳴珂嗜飲常持金叵羅詩艷
欲退長吉製詞新深愛小蠻歌鳳池聯轡

情偏重鸞鏡重粧病已魔彥威再黜一
日即病以終題
壁淒涼悲二妙元公近亦葬山阿

元復初學士舊歲同官集賢會于
上都改除翰林學士見其飲酒數

十觥倍常時今年以疾卒不起觀
行院題壁為四韻以挽

慷慨論交二十年深慙經術荷推先龜趺
林立毛錐秃麟筆星垂汗簡傳直以曠懷
招側目肯於凡品說齊肩舊聞蘇李曾生
別行院重来倍泫然

潘景梁學士同在集賢朝夕與余
論宏詞源委後俱罷去新政肇更

皆得復入舊歲同會上都景梁還
都不一月下世僕忝入翰林過視

卓堂有感

鑿坡清切平生志粉省烏臺謝不能尚書除

行臺侍御皆不
樂意在承旨夜剔蘭鐙書葉亂凍呵鐵

硯墨花凝蟻穿九曲誰傳授蝸化枯枝果

變騰欲說玄機吾豈敢碧天雲黯喚難應

客舍書事八首

客景真愁絕淒涼倍舊年草穿沙觫縮雲
住屋頭偏竈冷廚烟濕窓低簷雷懸畏寒
難出戶盡日得高眠

日永空庭淨清齋罷煮茶無羊誰閱市有

客共思家巷近逢歸馬門閑數過車衰年

行六十那得老風沙

愁極吟肩聳塵深望眼迷屋隨冰上下山

趁雪高低乾酪瓶爭挈生鹽斗可提日斜

看不足蹋舞共扶攜

蟾影穿窓轟龍光拂席流淒清三伏暑浙

瀝九天秋水惡停泥井冰堅宿尾溝年年

游上國那識望鄉愁

問俗過問里淒涼說住冬凍瓶粘在手暖

扇縛當骨雪急蘆條響風高楫杓鬆寒更

傳警夜飛騎急憧憧
禁堞防危石官衢漾淺沙
犬能搜兔窟馬解避馳車
童剪青蔬甲僧分墨菊芽
飄零堪慰藉小雨墊烏紗
宿霧成疎雨寒蓬捲細塵
雲飛疑到地草長不知春
香几蜂喧密寒房燕語真
白頭關塞外猶作未歸人
燈影微微焰鐘聲隱隱清
歸鴻天際度去騎月邊行
久客心無着微醺夢易成
攬衣中夜起北斗正南橫

視草堂四詠

視草堂前月淒清十倍秋
銀河斜處響王斧暗中脩
隱約娑羅見微茫顧菟流
霓裳端可補顛入廣寒游

視草堂前雪飛花具四時
老疑潘鬢重舞覺沈腰羸
妙合絲綸巧功調鼎鼎竒
虛皇瞻咫尺顛賦王京詩

視草堂前兩飛空萬象新
隨龍下膏澤滌頽布陽春
脉霖能生物霑濡不受塵
巫山空有賦難作楚王臣

視草堂前日傳宣趣制詞藁裁初刻上朝
罷八磚移烏御行黃道龍光暎玉墀薰風
生殿閣小立獨多時

華嚴寺

寶構熒煌接帝青行營列峙火晶熒運斤
巧闢攢千柱相杵歌長築萬釘殿基水泉湧沸以木
釘萬枚築之其費鉅萬雲擁殿心團寶蓋風翻簷角
響金鈴險知帝力超前古側布端能動地
靈

贈華嚴長老二首

四年上國扈金輿燕處高齋得起予篋寶
寸珠光不老爐存片雪色相如抱琴有意
傳流水擊拂無言指太虛二十里松親見
得塔中古佛白毫舒華嚴洞下宗常將四

智相傳古
佛再世

丈室蕭蕭晝掩扉蒲團不下得忘機塔前
菊本先春種門外楊花伏日飛白落珠璣
禪客誦象嚴金碧梵王威知余猶是青山
伴話盡斜陽拍翠微

書邢遵道二父家傳

蜚聲秀采動時賢書帙如山酒侶泉已恨
人間雙壁化共誇身後一夔傳藥囊有底
陰功滿詩卷相輝盛事全會見門楣成晚
秀瀛洲委佩接羣僊

贈馮真修生

丹青妍醜世間形碧眼看天畫未成夢覺
已傳商相似神閑能寫趙郎情沙塲燕領
愁中樂客舍鳶肩暗裏驚彩筆閱人頭漸
白長回眸子識公卿

贈李道士

高安李道士偵藥繞灤城竹杖常隨手茶
甌與解醒住冬饒活計聽雨話平生欲說
前朝事年深記不成

行路難五首

桑乾嶺上十八盤赫日東出紅團團迴頭
平田樹如髮北去沙石何彌漫青帘高低
知客倦勸汝一杯下前坂馬蹄護鐵聲琮
琤帖石朱欄列危棧度嶺林昏泊官驛冰
湧虛泥踰五尺馬行猶知泥淺深重車沒
蹊路莫尋

松林巨木官採搜千斧斫根膏液流翠旄
離披仆巨壑百谷震動狐狼愁大車以載
牛馬喘歷暫凌深不能挽車頭挂帑齊聲
呼一步一移日將晚經春踰夏來京都雕
梁繡柱天人居錦茵花磚淺深護歲久不
知行路苦

昔聞萬迴僧空中轉足如飛鷹又聞麥八
百側徑迴旋去無跡牙牌枝尉夸快行急
袞一日來京城人言胫中有肉燕籥雲躡
電那能名古云行路難今作等閑看君不

見明王坐朝疲心思日行天下人不知

金谷園頭土如酥瓊花琪樹凝流蘇文鴛
甃磚藻影動飛鳳團礎雲光腴紫絲步障
三十里百和生香交旖旎美人羅襪不動
塵匝匝金蓮隨步起須臾急騎圍四隅瞬
息突兀生寒蕪綠珠危樓百尺墜行路之
難却成易

樊裘蒙茸蘇季子兩足重趼行不已一朝
佩印何纍纍列鼎腥膻李國士班生遠出
玉門關被甲夜度隨黃間飛沙擊面燕領

失晚望落日思生還書生守株燈火勤終
歲不通南北鄰一朝安車入關內老不能
言願求退

賣薪行

老兵縛薪穿市賣雙手如龜布衣壞低頭
望日南階行背負槎牙北風殺大車輪困
小車聚我薪不如一杯土黃公壚前烟霧
高揮手相譏不相顧暮歸置薪眠土屋望
月清歌聲斷續丈夫窮達會有時買臣懷
章人始奇

視草堂歲久傾圮述懷二首

視草堂前草木青微臣三入鬢星星壞墻
雨透蝸生角舊竈泥深菌露釘深恐雨鐘
催曉箭獨聽寒殿響風鈴堂堂諸老冰漸
盡病叟應歸種茯苓

昔時壽俊佩蹁躑人物於今侶眇然倚馬
誰憐才獨步屠龍端信技無全頌冰伏日
金奩重賜果薰風綺席鮮可是虛皇踈顧
問玉堂舊事少人傳

翰林故事莫盛於唐宋聊述舊聞

擬宮詞十首

禁鐘初動趣傳宣
衣袖薰香到御前
漸近宮門扶下馬
內官分引導金蓮
御筆圓封草相麻
龍戩香透擁金花
儀鸞勅設庭前候
賜酒方終更賜茶
制草塗鴉未敢刪
內璫宣引侍龍顏
已分筆格金蟾滴
更賜端溪紫硯山
春帖分裁問今多
宮娥爭餽纈綃羅
青絲菜併銀盃送
幡勝新題墨旋磨
文思如泉涌墨林
屏風院吏不須尋
舊時

內相諸孫在猶有當年掃閣金

入院聽宣席未溫
賜金已向案頭存

故事入院

傳百單賜葉金十兩始草制

清晨上馬還家去
內出黃

麻付閣門

清馥香溫酒玉脂
祝文已撰報都知
夜來

奉旨傳丞相五朶雲
濃押省咨

天孫夜度玉潢清
內托銀盃湧化生
秋思

未多團扇在擬題
宮怨月分明

盤鷗暈錦是冬衣
鴿炭初生酒力微
聞道

邊臣風雪苦口宣
鵬藥布皇威

贊書騰副節樓前筐篚盈庭邸吏傳深恨
葫蘆陶學士受渠犀玉索金錢

書懷

曉來重纒避避風簷午着輕羅更上簾可是
炎涼隨世態病多時節要抽添

五月二十日廿雨如注江南呼為

分龍雨

平疇龜拆禱龍君百頃青黃兩界分
西岸已霑三尺雨隔溪唯見一川雲
誰家襪襪涼如水此地祇裊火欲焚
共道神功有南

北老農元不廢耕耘

五月廿六日大寒二十二韻

地界幽都正風傳委羽來陰機堅積
空窵起荒埃炎帝辭施設玄神擅展
裁氣疑翻溟滓勢欲壓恢台北戶嚴
雲結中街宿霧霾睫流驚炙轂吻咽
訝銜枚野曠狐歸穴林荒雀下臺
劫虛人瑟縮走驛吏徘徊舊篋裘
頻索殘爐火易灰當陽紈扇棄薄
暮酒尊催牛喘猶瞻月龍藏敢挾雷
曉吟肩峭直午睡髮毳毳絺綌聊增
嚴簾帷莫

浪開鼎溫延上客竈煬集羣孩鳥認南枝
宿駝鳴北路回沈寒河漠接慘澹雪霜堆
重甲身僵仆銖衣說詭談已知鄒子的更
覺杜生哀澤國朝曦赫畬田溽雨催鴻鈞
陶石爍金鑑煮冰摧舊俗聽卑窘新聞騁
博該廣寒今已到姑射不須陪

御天門聽詔

大樂出端門金龍日正曷千官齊跪聽萬
姓列行屯親衛周廬列王徭尺籍存侍臣
頭已白宣室願陳論

露立

空庭露立意茫然簇簇飛雲萬馬旋擬變
清涼成佛國不教人喚四時天

喜吳宗師至

飛鶴馭空來春濃洞府開燈光爭夜月磬
韻起春雷玉斗朝雲禮金門就日回的知
僊桂種玉斧更深培

食杏有感

筠籠賜杏得嘗新一一如拳醉臉勻準擬
重尋舊門館空庭繫馬燕飛巡

寄王繼學吏部

青春王吏部東閣久相陪
聽雪聯詩送看花並轡迴
如何千里別不寄一書來
拂拭題名記深知吐鳳才

皇城曲

堂堂瞿曇生王宮幼年夙悟
它心通梵書未覩口已誦
底用城闕窮西東淨居老人
幻境異故作恐怖生愁容
世間習妄了莫喻要以神化
開旨聳歲時相仍作游事
皇城集隊喧憧憧吹螺擊鼓
雜部伎千優百

戲羣追從寶車瑰竒耀晴日
舞馬裝轡搖玲瓏紅衣飄裾
火山聳白傘撐空雲葉叢
王官跪酒頭叩地朱輪獨坐
顏酡烘虫氓聚觀汗揮兩士
女簇坐唇搖風人生有身
要有患百歲會盡顏誰童
西方之國道里通至今生老
病死與世同

天童山圓上人遠來開平訪華嚴

以舊詩求題

三尺枯藤一卷詩五千里外訪
相知鄉音未改眉毛在曉過嶺
西聞子規

手探驪珠顆顆圓清如秋月獨當天舊棲
太白寒禁得更上開平擬過年

題信上人手書

南湖涼觀碧芙蓉藻屢見臨池曉日初一去
天台隔生死重來應寫梵天書

客舍四詠

膚寸出巖遲亭亭大雅姿肯回風共去獨
與月相隨似絮飛無着如山立不移崑岡
有片玉歲晚話深期

孤雲

寒燄出房微前山尚落暉酒醒光耿耿鐘

定影依依蝶夢疑方化螢流竟不飛廿年
長作客獨照合玄機

孤燈

舊日江湖伴多回塞北分身單追暮雨翼
冷帖秋雲肯向蘆邊宿還應枕上聞沙洲
繒繳滿不是故離羣

孤鴈

絕頂看秋月星沉萬象奇難隨黃鶴侶獨
與白雲期野性便金洞清聲徹玉墀山中
王子過時一聽參差

孤鶴

次韻圓上人

大荒沙漠境全真平楚天低絕見聞此處

無愁誰會得琵琶一曲問昭君
我家鄧永望江神君住鄧山半嶺雲同向
天涯作行客定知猿鶴有移文
萬斛千言任所之一花五葉捲牟尼九龍
峰鎖難分別會見芙蓉長玉池
次韻華嚴賀李彥方除監察御史
秀采寒光敵楚金詞鋒能繼九州箴鳳池
舊直驚人海烏府新除表士林甄紹家聲
真素業簡騰民瘼是丹心華嚴蓮社相期
遠應許遺民得共尋

彭法師禱雨有感

神京歲歲春夏交乾風捲塵喧四郊銀潢
清寒不可挽火礫燥露焚烏巢廟堂憂惶
走羣望桂酒跪瀝陳牲殺飛雲虛無恣強
魁古澗偃蹇專幽蛟拾蟻旋舞破甕缶髡
龍作形靡藁莖或夸巫言擊長劍或騁梵
語鳴銅鏡老壺之孫赤松派尸坐直欲鴻
濛包深知天水本一炁山澤妙感窮義爻
三玄上章給鳳扎九淵投簡驚蛟綃大青
小青各受令旋轉急注搜巖坳初疑飛縉

藏雲頂恍若銀竹穿林梢鳥衝沉冥舊栖
失虎度泥淖前林咆迺知至道在尾磔芒
刃不缺須良庖皇皇真宰燭萬類神運溥
博民同胞前驅招搖後玄武朱寇鐵騎森
旄旆精誠相通顏咫尺靜暫未識徒譏嘲
白頭太史詎妄記顏以彩筆窮模描

近為盧真人作桐柏山賦以舊賢

四詠復令賦詩次韻

雙闕高躄僊境今深留絕頂獨耕耘雞啼
流水村非遠犬吠隔溪人始聞翠萼滿林

俱上藥黃雲封戶總回文層霄笙鶴須臾
見不用談空李少君

王子乘鸞八極周參差吹徹此淹留緱山
未信雙軒遠滄海端如一片浮碑聳蛟螭
擎雨露賦鐸金石閱春秋莫言劉阮歸無
跡政與寒巖二子游

遠瞰神山接海潮群峰匝匝翠周遭漆書
舊字開蒼蘚金鼎寒光暎碧桃瀑濺花香
疑過雨風回松吹侶驚濤昔年曾說玉靈
寶冷笑人間有二毛

雷起平田過雨腥居民猶說老龍靈泉流
洞口疑鍾乳月落松間照茯苓琴罷忽驚
人換世丹成深勸客延齡僊翁久作朝元
客贏得瑤壇滿鶴翎

再次韻

門首穹碑字八分寸田尺宅勸鋤耘雲歸
古洞疑無着雷過前山侶不聞磨石旋風
空世劫梭溪織水起寒紋年年秋月層臺
上髣髴虛無下帝君

堂堂王子憫宗周不住緱山此地留玉髓

定將金篋貯滄波能使羽觴浮絳桃帶雨
飄紅雪翠樹停雲起素秋絕頂銀盤宮闕
爛不須更向紫霄游

夾山松瀑侶秋潮老鶴調雛日一遭欲與
雙成同勸酒却嫌方朔強偷桃草沿碧澗
千年藥雪釋瓊城百尺濤聞道玉蟾三度

到通明金骨舊皮毛

玉蟾或云在羅浮未化

久食青精厭世腥無心折草總通靈望雲
岸幘招歸鶴滴露濡毫傳負苓峰頂丹成
真九轉洞中棊罷已千齡嗟余猶是征塗

客四上開平數鷹翎

上上人游開平回四明

圓帽方袍上上京
看山碧眼雪分明
南來白鴈先秋去
我輩無情合有情

成君輔廣濟堂

車馬填門日不停
刀圭上藥已通靈
應須重作鐵門限
坐見堯民壽百齡

內宴二首

寶勒猩纓鷹翅屯
錫鑿款款奏南薰
珠冠聳翠千行列
雉扇交鸞五采分
宮漏解留

黃道日御爐能接紫霄雲
漢家天子空英武
置酒爭功始考文

機殿沉沉曉日清
靜鞭初徹四無聲
桐官玉乳千車送
酒正瓊漿萬甕行
肯以駝峰

專比饌不須瑤柱詫南烹

先皇雄略函諸夏
擬勝周家宴鎬京

伏日

伏日車中閉炎蒸
不自由轉旋疑病酒
掀簸佞驚舟
山色随眸轉
溪聲着耳流
艱難吾敢讓
猿鶴故山秋

龍門

君恩八度過龍門
眼見蜿蜒守黑雲
漠漠沙田荒礫滿
空將霖雨一溪分
巨靈何日摩雙門
千古英雄底死論
落日碎金寒澗裏
銷磨猶是僕姑痕


戲題開平四集

開平四集詩百首
不是故歌行路難
竹簟暑風茅屋下
它年擬作畫圖看


奉題開平百首詩後

王士熙

玉海雲生貝闕高
騎鯨人去採芝遨
灤江一夕秋風到
瑟瑟珊瑚湧翠濤



清容居士集卷第十六



清容居士集卷第十七

贊

劉敏叔畫八君子圖贊

五季橫潰萬姓阻傷剗舊布新赫日蕩光
變通維時君臣爾詳丕顯韓王應運斯翔
佐帝立極肇服衆國銷兵弛財邦本茂植
獨相十年黎獻安謐弼違雍容不撓厥色
百壬肆妖喬嶽漂搖智深如谷終止且消
金騰天開軒冕以朝簡在帝心王勲日昭
燕尾之眉貫玉之姿炳靈丹青庶或類之

堂堂魏王龍章鳳質天實生之以佐王室
射策玉墀慶雲耀日中外踐更執德惟一
西陲繹騷將弛卒驕往綏爾戎薄陳武韜
濯以清泉釋其煎熬入秉國鈞衆味畢調
不懾不渝迄康皇圖取日虞淵登于天衢
朝野罔知緊王明謨危疑之際以身調娛
兩宮熙熙萬姓于于桓圭赤舄清廟配食
於鑠厥勲千古罔極

獻容器士右魏王

赫赫潞公不震不動威以服戎寬以濟衆
宏淵雅譽磅礴肆著蚤年登庸具正百度
貝盜斯興命公于征振旅霆發不日以平
國財未殫抗議省兵激懦抑貪朝廷清明
以德報怨以爵為勸強虜效貢却立改觀
名倡九牧進善無倦四朝師臣邦家之珍
委蛇兩河如松如椿燕領淳庖給背輪囷
何以比之永古茂聞

右潞公

儒以稽古酌時斯正用非所宜抵益其病

在漢懿侯治守清淨惟爾荆公行修于躬
耽精古籍慨想避風懷寶陸沉患莫已逢
激而翹之以達天聰高配五帝羞視七制
廷議籍籍斷以辯毅復古之志與帝俱銳
發政累名公是喪朋晚歸鍾陵惆悵慎兢
蹇驢空山悟彼愛憎矯矯貞姿涅而不緇
吾將疇依為學是師

右荆公

帝宇永清文治斯舉取青媿白眩巧闖嫵
未派橫流獨手莫禦弊極斯反誰受天祐

薦生歐公鴻碩之宗鼓以雷霆驅以雨風
如日之明如川之東肇正古始四方攸同
獎善矻矻英俊滿席彼有未至憂見于色
補袞之功其繩則直以退為完以供為安
高風邈如審象以觀

右歐公

任當其誼三禱無畏用不展志好爵斯避
允顯溫公為世張弛執中秉德享帝活國
熙豐紛紜朝有好惡歸卧洛師纂緝載籍
元祐之初大矢厥謨稂莠既深百穀未敷

昇成于天力疾以除佐佑王室公心如日
獨樂之園以迂自佚生無榮養歿有餘泣
深衣幅巾天骨嶙峋中有至道不以示人
唯誠與敬千載如新

右温公

岷峨之山扶輿網緼誕育至英絕類離群
溢為江河乘為風雲高絕俊穎探賸炳文
承明邇英紬思運精騁轡以行華夷是驚
蹇蹇匪躬上通帝靈才以貶官謗以長名
播遷徼荒百虐寇攘繕性養神彌介彌剛

盤桓南歸百神從行誰謂巨浸一葦以航
瞻彼德容春陽秋霜炯然方瞳如犢初生
切雲峩峩野服蒼蒼往代莫從鑒茲耿光

右蘇公

沅沅脩水誕弘文明維太史氏穎敏之功
由彼岐嶷揚譽上京服襲瑰璋綜覈文藝
剖析幽翳謝鮑前驅屈宋擁篲玄言逍遙
夙昔超詣正宗江西歛衽嗣裔厠身著庭
正氣果毅筆者未成削者已繼秉昇濁流
孰怨孰尤不怛其化心君天游精神滿腹

瞻望不足然然孝友猶在眉目清塵高風
曷其有終

右黃太史

祝道士龍贊

靈碑碑三五一視若存水神立玄為光高
原粒天門開靈受秩

墨竹贊二首

墨以韜智玄以御柔淪焉雲興脫兮凜秋
寥寥天標下為岌峩執茲混淪函三爾超
乘剛庸升實志勿驚比焉彙亨然徒繩繩

纒者如偃若佩而組墨卿司玄瞻汝于堵

子昂集賢真贊

審中聲以比磬箏之音證墜簡以啓載籍
之蘊承明三八而不居江海一麾而無愠
遺世而深憂盡言而寡尤瓌瑋萬物金石
橫流敷文太微慶雲瑞芝超然巖壑寄於
筆翰者吾猶以為杜德機也

張廣微金書陰符經贊

遐哉古帝握契眇綿沌沌混混超天地先
執靜御動茲為坤乾虛九藏一書圖弢鈴

範圍包絡佐理密堅氣母受要納息以傳
泥金著文其擘玄玄鋒淬穎脫乘雲大園

雲中龍贊

握玄機騰八荒愔雲中闡以彰九九合下

土光返珠淵終智藏

龍贊

御乾入坤萬靈嫖姚止水飛立廻旋上朝
神后布令蘊蔭默逃功成返淵重玄以韜

又

玄雲濛氣為母騰靈湫匿星斗握以機數

九九百穀

混元希夷空洞眇綿方圓緯經言孰可宣

憫彼世躋述玄五千紫雲升空重席九筵

跪坐受聽萬神參前研幾察微如珠善淵

德為之初道迺自然

辛稼軒畫像贊

妖雛殂江八方沸騰手提糗糊仗義南興

閩越荆湘是鎮是繩智名勇功蔑如浮雲

讒屢尼之耳若不聞聲裂金石湛厥心君

運有南北孰言一之時有未完矢詞室之
卒全其歸莫能蹟之帶湖維居喬木鬱新
目光皆甲佩兮振振審象式瞻宛其不泯
仁廟御書除官贊

於赫

仁考御龍中天追琢王度左右惟賢思索
俊髦嘉量達權稽古九官匪曰叙遷嚴嚴
秩宗維直且清佐理大政宰士是程皇畿
膺穰具瞻靡輕率彼緇流出納糾繩八柄
馭臣首爵以貴或超或常執管淵思昭哉

雲章銖黍莫置勿私以恩不悅其媚番番
老臣卒秉國鈞山立陽明如歲之春帝
賓于天執簡滂淪虹光徹楹萬億日新

至治丞相真贊

以元勳開國之孫佐大明麗天之主肩一
德以正人心集衆思以清庶務玉絜而彌
溫山立而有度審象以觀斯為太平之宰
輔

又

階符耀騰河嶽炳靈寔生上相秉鈞以成

儼兮德容衣葱衡山立其威玉絮其清
陟降 帝所翼翼是承 帝曰相賢佐我

治平雲龍從類鼎鉉利貞懋昭顯功象于
丹青於赫 寶璽虹光爛明用永厥藏詔

爾雲仍

英廟御書開經偈贊

時為皇太子

日升咸池五采耀騰昭徹水源濁垢斯澄
維彼寸穎執一貫萬鉅纖受形莫測其變
驪珠陸離光被寰海允符龍圖昭示億載

自贊

幼承 父師之準繩壯緝文獻之淵懿守
先天之中為初心究三聖之易為一致氣
弱而詞愈卑學疏而用益疑察察兩京耳
受目接者不能紹傳吁何可言

王承旨畫像贊

於赫乾運天造者武肇敏王公繁飭皇度
越于江濤率圖籍以朝秉直在庭不激不
雕矢彗瓊琚風舒霽消益之以甘雨濯其
嘉苗佐理髦思敷繹靜規民甫息痍勿煩
以疵懿德云云如山出雲有聞無聲爰澤

後昆珮王裁冠審象是傳之問之美百世弗謏

王叔能真贊

心清而行全守廉而益堅不汲汲於利達專立壑以自完若是者五采不能以傳至若炯炯方瞳藹然孝悌之實發于粹容人知其為臺閣之秀彥蘊經綸而猶未盡其用者也

自贊

訥文詞而三直承明之廬拙騎射而五游

朔漠之域居安以窮犧爻之變比事以糾麟經之釋至於見幾歸田服恬淡而守貞白識者謂為知止而獨慊然猶以為有形迹也

馬元帥真贊

養恬而智無遺息機而事能應贊黃閣弗居其功坐烏臺獨守其正制變於劇郡若郢人之斤鎮戎於大藩若秦王之鏡服芝木以養年將見安車造朝守規隨而樂清淨也

瑞檜贊

老子之道以恬泊真靜為根本而其嚴靚
清密非窮極壯偉不足以為榮觀故所至
丹腹土木與浮屠氏相埒殊庭廣寬候靈
存於致祠之際尤加嚴焉四明玄妙觀構
寶殿倣南城之長春法式具備主者呂法
師顧瞻中唐作而曰茲不可不加竦肅手
植蒼檜列若幢節厥土墳剛風潤雨濡膏
脉日起旁達蒨鬱連累相承泰定三年春
正月中澣上聳結為鳳冠觀者林立考諸

釋檜者曰乍檜乍栢一枝而能屢變唯檜
為然觀是則知釋者之非妄矣或曰厥今
聖天子嗣位歷更上元洋洋乎盛德覆被
動植疊瑞重休四方承畏不敢以獻以告
而祝釐儲祉道家者流有所不得辭讓迺
繪為圖以先天之休為之贊曰

繫檜在廷三光炳靈膏涵于膚湛其晶燦
化為鳳雛珥冠儀刑乘風鞭雷上于帝青
曰有德者祥茲為利貞爰祝萬壽九垓永
寧

雷氏龍吟琴贊

為閑思齋作

四田八日用疑於神攫之也深養之也淳
風生於木莫窮其聲比物引類錫茲嘉名
杳杳變化雲升雨澍憂如銅盤茲其為作
者之助

吳閑閑真贊

德不形禮為翼熙熙冲靜之神侃侃孝友
之色籠古絡今其詞如雲佐理以無為智
淵而若存朝承袞龍暮撫松鶴心徹九九
坐石盤礴是所謂養其尺宅守玄以生白

者耶

仰山熙禪師真贊

蜀僧曇簡以文詞振林下繇是東南學
者翕然師之育王觀禪師才辯繼其學
弟子熙公復繼之有詩名鳴咸淳間試
嘉慶圖詩禁中定為第一余獲見于淨
慈植節刻行言語若冰雪欲以蜀學廣
其徒後歸隱仰山以逝其嗣隆教師祖
瑛以遺象從海上請余贊迺為贊曰
心之精神繇言以宣匪事琢雕合於自然

維師集思泉湧雲溢億萬森列復貫以一
蜀學日淪志士是惜瞻彼肅容以措以式

南湖入法師真贊

目穿書林心超義海體用不違切斯十倍
審多岐之亡羊悟忘筌以得魚返琢其詞
不浮不蕪外嚴內熙蕭然野鶴之姿斯其
成祖庭之羽翼絕塵世之樞機

定水源禪師真贊

持律以攝心習教以騁辯語默兩忘微旨
益闡薄飯一盂福不稱其德至於據席握

機颺回電激誠禪林之準式也

雪厓吳法師真贊

雪厓吳法師飭身制行道流所尊企弟

子呂虛夷請贊

長齋以養年持敬以籲天若難抱穀如珠
守淵望之山林即之瑤璋知止葆靜合太
古之淳厖夫如是逍遙乎白雲之鄉

箴

存悔箴

天君亭亭巖石永貞執樞維機莫我敢膺

鈎聲割名如蝨如螟微焉髮毛戰兢是承
謂善實繇小而過不在大雷以鼓之良以
配之合動而復繇靜斯會昔顏氏子悔實
莫可名筮人司著敢告司局

導誨堂箴

肅肅祖父誦戒孔昭亶惟矩衡匪矜匪愾
式瞻里門養真簞瓢何攘題爰業肆其夸
驕金縻玉毀迄用不紹巷有居人燕明曾
駘右觴左體以遊以遨何白首高位顧影
孺眇伊堂既深亦具室與偃躬徐行慨焉

煮蒿戶冊崇崇陟降以悚於乎後生勿夢
夢是從爰繹具訓敢告嗣宗

貞一齋箴

昭哉森著鉅織受形順天之樞執動以承
尸居者誰不震不隨謂珠藏於淵主靜是
師太虛無體曷思曷為聚為物均散為返
真由感以遷若火之燎原在昔夸父逐日
走偃鑒觀河圖繇是成數成復捨之厥數
愈具庶物湯湯若冰斯泮固而斯應迺事
之幹絕仁棄智望道彌渙必寂爾心必完

爾神筮人司易敢告靈君

誠求堂箴

肫肫者仁婉婉者孺彼孺不言容動斯具
以食為喜以帝為怒感匪物遷孰司昭先
黜思絕為迄全其天揣知者誕矢激滋遠
順陰保陽若執玉以裸太素烟燼至靜無
垠見之猶龍望之如雲猗儒守醫曰魯氏
子言邁于京戶冊是視

銘

復菴銘

弁陽老人周公謹父卜終老之丘於先中
丞公墓左築室其上揭名曰復菴謂其故
人子素桷曰復反也反諸其本也聖人作
易之義深矣余取斯名也厥有旨昔太公
表東諸侯歸葬於營丘禮以謂不忘其本
余家故齊人雖南徙吳興而其遺禮三世
猶守之自余失仕居錢塘非有酣豢之樂
而忘其歸不幸而不得歸者數也今老矣
苟終無所歸則於復之道奚取抑嘗推死
生晝夜之理其變無窮反身而觀虛一而

明者物莫能禦則茲丘之樂殆與造物者
去來而莫窮其所止也子為我暢繹而銘
之銘曰

大明麗天隱於崑崙晦冥有時以全其根
海氣騰溢為雲為澤吐奇滋生復反故壑
嗟彼昏氓睢睢涼涼齒髮日化莫知其鄉
馳車羊腸倒戈蟻垤少夸老衰運往一跌
維子周子心君天游顧瞻松栢肇謀菟裘
峯迴象渟虎伏馬立鬱為斯丘不龜以吉
煌煌先德如珠在淵既揚其輝終閱其妍

正或者謂老氏之說近此因屏不復取今
劉君以澄心名齋動靜交用有合於聖人
之說四明袁楠因銘以廣之

存神內觀形不能以久完刻意外治氣由
是而彌褻水煩土微維物之灾人為物靈
其道安在內不可穢外不可悖湛然長存
於物何類故操尺寸之智者成尋丈之失
勤錙銖之切者獲倍蓰之益御天地之一
氣持陰陽之兩端吾見其清而不介絜而
自全也

雪房銘

錢塘孫道士構雪為房居江南度不能久
得比如京師將遂焉久之復越居庸以
游始固有之迺屬素稍銘銘曰
養絜沮洳其變莫渝納明屋漏其神莫究
執天之宜允成德機機可轉不可緩緩則
懼懼無以擾窮髮之北以儀以則爰謹視
之母怠母慝

崇真觀鐘銘

治吉金構坎離為氣用震以時深則安安

迺旋鎮無極億萬年

朝陽堂銘

焯彼曜靈光融曲阿翼翼玄黃察其鬱華
究觀厥功構精沉淵若穀斯伏若珠斯潛
內陰以藏外遲以進含施無垠執斗憲運
衆瞻嘉明企而則諸言升于岱昏旦允殊
丹流金騰下土若昧棘心惕思怠曷可悔
嗟哉夸父競不救暘大聖維姬慎茲明發
爰興爰處寸測短長少耄勿荒永儀朝陽

藏書室銘

六學鴻烈代天昭明精思纂微辭以立誠
匪事於言不文奚宣析理曰繁直致衍傳
謂默足以通絕其知聞敬焉孰持誠焉孰
存趙郡氏蘇崇其書極剖抉雲章緯經有
程靈根湛虛服習粹精廣以觀萬約以守
一迎之莫尋倚兮不躡仰止元聖學海彌
溢

極高明齋銘

謂天穹隆環於九泉謂日陽靈始於虞淵
邈焉具瞻荒忽漫漶銖黍立鈞億萬以正

行遠陟遐跬步攸定維先聖彛訓大賢是
證理一分殊等級辨分不悖以求孰為彌
綸不約以觀孰歸其根積小斯高用晦斯
明罔有僭差是準是繩戶冊孔昭爰矢厥
銘

九思堂銘

虛中實中圖書之紐實以分殊虛以一受
理原於初思曷為九於赫玄聖分言為中
上由體生下應景從維李氏子受訓控伺
戶冊孔昭執玉靡墜數窮於玄陰陽以類

則皇極之言罔有偏陂

淵靜齋銘

為蒙道士作

猗鉤盤審覲桓蜀叟蒙拱以觀悒無極視
晏溫默雷聲守絲絲珠在宮百神環時既
至乘風搏

清容居士集卷第十七

